

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla” d.o.o.

Broj: 01/I-450- 17 /23
G. Dubrave, 04.09. .2023. godine

Na osnovu člana 72. stav 3. tačka a) Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), , u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

ODLUKU
o izboru trećerangiranog ponuđača u postupku javne nabavke

I

Ovom odlukom se stavlja van snage Odluka o izboru drugorangiranog ponuđača broj 01/I-450-16/23 od 27.07.2023. godine, te se trećerangiranom ponuđaču **ENOVA d.o.o. Sarajevo**, za ponudenu cijenu od **27.272,00 KM** bez PDV-a dodjeljuje Ugovor o nabavci usluga izrade studije izvodljivosti projekat unapređenja postojeće aerodromske rasvjete s ciljem podizanja kategorije poletno sletne staze za precizno prilaženje na JP „Međunarodni aerodrom Tuzla“ d.o.o..

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav 6. Zakona o javnim nabavkama.

Obrazloženje

U konkurentskom zahtjevu pokrenutom Odlukom broj: 01/I-450/23 od 28.03.2023.godine, rok za dostavljanje ponuda bio je 11.04.2023. godine do 09:00 sati. Javno otvaranje ponuda izvršeno je u 09:30 sati dana 11.04.2023. godine što je konstatovano zapisnikom sa otvaranja ponuda broj: 01/I-450-10/23 od 11.04.2023.godine. Ukupna procijenjena vrijednost nabavke je 30.000,00 KM bez PDV-a. Zapisnici sa otvaranja ponuda dostavljeni su ponuđačima u skladu sa zakonskim i podzakonskim aktima.

Shodno navedenom zapisniku sa otvaranja ponuda, za predmetnu nabavku se prijavilo pet ponuđača i to:

1. ECOPLAN d.o.o. Mostar, čija je ukupna cijena ponude 30.000,00 KM bez PDV-a
2. Institut za građevinarstvo IG Banja Luka, čija je ukupna cijena ponude 30.000,00 KM bez PDV-a
3. Centar za projektovanje i konsalting CPK Banja Luka, čija je ukupna cijena ponude 27.900,00 KM bez PDV-a
4. Enova d.o.o. Sarajevo, čija je ukupna cijena ponude 30.000,00 KM bez PDV-a
5. Univerzitet u Sarajevu, Fakultet za saobraćaj i komunikacije, čija je ukupna cijena ponude 30.000,00 KM bez PDV-a

Ponuđači koji su preuzeli tendersku dokumentaciju:

1. EKAPIJA DOO
2. TECNO ENGINEERING 2C TECNOENG56
3. LED IT D.O.O.
4. BBS EUROPE
5. CENTAR ZA PROJEKTOVANJE I KONSALTING
6. GISPLAN D.O.O.
7. MINEL-SCHREDER D.O.O. BEOGRAD
8. URBIS CENTAR
9. ARCHITECTURE AND ROAD D.O.O.
10. TUZEX DOO
11. MANEDRA COMPANY DOO
12. INSTITUT ZA GRAĐEVINARSTVO "IG" BANJA LUKA
13. ENOVA D.O.O. SARAJEVO
14. AWOS TENDERS
15. DELI DESIGN STUDIO & CONSULTING
16. "SMAJIĆ-INŽENJERING" DOO
17. ETAS D.O.O.
18. FAKULTET ZA SAOBRAĆAJ I KOMUNIKACIJE, UNIVERZITET U SARAJEVU

Ponude su uredno zapečaćene i zaprimljene u roku što je kontaktovano i Zapisnikom o zaprimanju ponuda broj 01/I-540-/23 od 11.04.2023.godine.

Komisija imenovana Rješenjem broj 01/I-450-8/23 od 11.04.2022.godine, je pristupila evaluaciji pristiglih ponuda, te je konstatovala uvidom u priloženu dokumentaciju i suštinskom provjerom sadržaja i validnosti dokumentacije, da ponuda broj 1 ponuđača ECOPLAN d.o.o. ne može biti prihvaćena iz razloga što ponuđač nije preuzeo tendersku dokumentaciju sa portala javnih nabavki, što je potvrđeno i uvidom u Izvještaj o preuzimanju tenderske dokumentacije. Komisija je jednoglasno konstatovala da je ponuda 1 odbijena, te je naloženo da se ponuda vrati ponuđaču, što je i izvršeno aktom broj 01/I-450-11/23 od 17.04.2023.godine.

Uvidom u ponudu broj 2, Komisija je utvrdila da ponuda ponuđača Institut za građevinarstvo IG Banja Luka ispunjava formalno-pravne, ekonomske i tehničke uslove odnosno zahtjeve ugovornog organa, te da ista može biti predmetom vrednovanja primjenom kriterija „NAJNIŽA CIJENA“.

Uvidom u ponudu broj 3, Komisija je utvrdila da ponuda ponuđača Centar za projektovanje i konsalting CPK Banja Luka ispunjava formalno-pravne, ekonomske i tehničke uslove odnosno zahtjeve ugovornog organa, te da ista može biti predmetom vrednovanja primjenom kriterija „NAJNIŽA CIJENA“.

Uvidom u ponudu broj 4, Komisija je utvrdila da ponuda ponuđača Enova d.o.o. Sarajevo ispunjava formalno-pravne, ekonomske i tehničke uslove odnosno zahtjeve ugovornog organa, te da ista može biti predmetom vrednovanja primjenom kriterija „NAJNIŽA CIJENA“.

Uvidom u ponudu broj 5, Komisija je utvrdila da ponuda ponuđača Univerzitet u Sarajevu, Fakultet za saobraćaj i komunikacije ispunjava formalno-pravne, ekonomske i tehničke uslove odnosno zahtjeve ugovornog organa, te da ista može biti predmetom vrednovanja primjenom kriterija „NAJNIŽA CIJENA“.

Dana 17.04.2023.godine zakazana je e-aukcija za 19.04.2023.godine sa početkom u 10:00 sati sa početnom rang listom ponuđača:

1. Centar za projektovanje i konsalting sa početnom cijenom 27.900,00 KM bez PDV-a
2. Fakultet za saobraćaj i komunikacije, Univerzitet u Sarajevu sa početnom cijenom 30.000,00 KM bez PDV-a
2. Enova d.o.o Sarajevo sa početnom cijenom 30.000,00 KM bez PDV-a
2. Institut za građevinarstvo „IG“ Banja Luka sa početnom cijenom 30.000,00 KM bez PDV-a

Prema Izvještaju o toku i završetku e-aukcije, e-aukcije je završena 19.04.2023. godine u 10:48:00 sati sa konačnom rang listom ponuđača:

1. Fakultet za saobraćaj i komunikacije, Univerzitet u sarajevu, sa ukupnim umanjnjem cijene od 70,83% iznosi 8.750,00 KM bez PDV-a
2. Institut za građevinarstvo „IG“ Banja Luka, sa ukupnim umanjnjem cijene od 70,00% iznosi 9.000,00 KM bez PDV-a
3. Enova d.o.o. Sarajevo, sa ukupnim umanjnjem cijene od 9,09% iznosi 27.272,00 KM bez PDV-a
4. Centar za projektovanje i konsalting, sa ukupnim umanjnjem cijene od 0,00% iznosi 27.900,00 KM bez PDV-a

Temeljem iznesenih činjenica Komisija za provođenje postupka nabavke usluga izrade studije izvodljivosti za projekat unapređenja postojeće aerodromske rasvejete s ciljem podizanja kategorije poletno sletne staze za precizno prilaženje na JP „Međunarodni aerodrom Tuzla“ d.o.o. jednoglasno je konstatovala da postoje uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača i da ugovor o nabavci u iznosu od 8.750,00 KM bez PDV-a dodijeli Fakultetu za saobraćaj i komunikacije, Univerzitet u Sarajevu, a u skladu sa članom članom 69. stav 1. tačka a) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke za nabavku predmetnih usluga na JP „Međunarodni aerodrom Tuzla“ d.o.o., donesena je odluka o Izboru najpovoljnijeg ponuđača broj 01/I-450-13/23 od 10.05.2023.godine, te je ponuđač pozvan da dostavi dodatnu dokumentaciju za sklapanje Ugovora.

Izabrani ponuđač nakon Obavještenja nije dostavio potrebnu dokumentaciju, te se naknadno izjasnio da je nakon detaljne analize projektnog zadatka i rasta troškova na tržištu utvrdio da je danas nemoguće kvalitetno realizovati predmetni Ugovor sa početnom cijenom.

Slijedom navedenog donesena je Odluka o izboru drugorangiranog ponuđača IG Institut za građevinarstvo Banja Luka za iznos od 9.000,00 KM. Izabrani ponuđač u propisanom roku nije dostavio dodatnu dokumentaciju za zaključivanje ugovora, te se naknadno i pismeno izjasnio da zbog neplaniranih obaveza nije u mogućnosti izvršiti pomenutu nabavku.

Na osnovu svega navedenog donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
4 x Ponuđačima
1 x Evidenciji
1 x a/a



DIREKTOR
Dževad Halilčević
Dževad Halilčević